

Nalawagen Idiay Laoag

Agbiroktayo ti baro a pagnaedan. Pinerdi ti dakkel a layus ti kuebatayo," sililiday a kinuna ti lakay kadagiti kakaduana.


Iti panagbirbirokda, nakadanonda iti maysa a nasipnget a kabakiran. Adu dagiti dadakkel a kaykayo idiyay. Narurukbos dagiti mulmula isu a simmipnget dayta a lugar. Adu dagiti ay-ayup nga agwarang-warang idiyay.

"Ditoy tayon nga agnaed," kinuna manen ti lakay.

"Wen apo, wen apo," insungbat dagiti kakaduana.

Inrugida a dinalusan ti lugar. Pinukanda dagiti sang-sanga dagiti kaykayo. Inik-katda dagiti lanlanut a nangpasipnget iti lugar.

"An-anusentayo a dalusan ken papintasen daytoy a lugar."





In-inutda a napagbalbaliw ti lugar. Kalpasan ti sumagmamano a bulan, napapintasdan daytoy isu a nakaragragsakda. Adu kadagiti ay-ayup idia y ti immadayo ngem dagiti met dadduma ket nagbalin a tarakenda.

Kamandiannana, nakitada manem N ti raniag ti init. "Ay, nalawagen!" inyikkis a siraragsak dagiti tattao.

Nanipud idin, inawaganda ti "LAOAG" dayta a lugar a ti kayatna a sawen ket nalawag.

Iti agdama, maysan a narang-ay a ciudad ti Laoag. Nalawag idia y ket agtultuloy ti panagrang-ayna gapu ta dagiti umili ket adda panangilalada iti lugarda.